



23. januar 2017

Inatsisartut Suleriaasianni § 37 naapertorlugu Naalackersuisunut apeqqutit imaattut matumuuna saqqummiuppakka:

Naalackersuisunut apeqqutit kilisaatini ikiaroorartumik nassaarnerup aamma aalisagartassiissutinik tunniussinerup inatsisitigut ataqatigiinneri pillugit:

1. Naalackersuisut tamarmiullutik tunuliaqutaanerlutik oqartoqarmat aalisartitseqatigiiffiit aalisarnissamut akuersissummut itigartinneqarsinnaasut, sulisorineqartut aalisartitseqatigiiffiup umiarsuaatai atorlugit hashimik anngiortumik eqquussisarpata?

2. Naalackersuisut isumaqarpat sullivik pillarneqarsinnaassasoq sulisut ajortuliaat pissutigalugu?

3. Naalackersuisut isumaqarpat naalagaaffittut inatsisit tunngavigalugit naalackersorneqartutut taaneqartuaannarsinnaassasugut allaffissornikkut sullivinnut akuersissutinik arsaarinnittassagutta sulisut inatsisinik unioqqutitsinerat pissutigalugu?
(Inatsisartunut ilaasortaq Michael Rosing, Demokraatit)

Begrundelse

Naalackersuisut tusagassiutinut nalunaarutikkut erseqqissumik oqaatigaat, aalisartitseqatigiiffiit aalisarnissamut akuersissummut itigartinneqarsinnaassasut aalisartitseqatigiiffiit aalisariutitik atortarpatigut hashimik anngiortumik eqquussuinnermut.

Taama oqartoqarpoq naak Kalaallit Nunaanni aalisartitseqatigiiffiit arlaannaataluunniit aalisariutaatimik anngiortumik eqquussuinissamut atorneqarnissaat inerteqqutigigaluaaraat kiisalu aalisartitseqatigiiffiit tamarmik avataasiorlutik aalisartut imigassamik ikiaroorartumillu hashimik angallammi atuinissamut inerteqquteqartitsigaluartut. Uanga isumaga naapertorlugu oqaatigineqartoq naalagaaffittut inatsisit tunngavigalugit naalackersorneqartumi sutigut tamatigut tunngavinnik unioqqutitsineruvoq taamaattumik kissaatigaara Naalackersuisut suliap inatsisinut tunngasortai isummerfigisariaqaraat.

Apeqqutit akeqquakka ullut suliffiit naliginnaasut qulit iluanni.